

**Raajanut akitsuutit pillugit Inatsisartut inatsisaata allanngortinneqarnissaa pillugu
Inatsisartut inatsisissaattut siunnersuut**

Aningaasaqarnermut Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Andreas Uldum, Demokraatit, siulittaasoq
Inatsisartunut ilaasortaq Olga P. Berthelsen, Inuit Ataqtigiit, siulittaasup tullia
Inatsisartunut ilaasortaq Juliane Henningsen, Inuit Ataqtigiit
Inatsisartunut ilaasortaq Aqqaluaq Egede, Inuit Ataqtigiit
Inatsisartunut ilaasortaq Siverth K. Heilmann, Atassut
Inatsisartunut ilaasortaq Jens Immanuelson, Siumut
Inatsisartunut ilaasortaq Finn Karlsen, Siumut

UKA 2011-mi 29. september 2011-mi siullermeerinerup kingorna siunnersuut
ataatsimiititaliamit misissorneqarpoq.

Siunnersuutip imarisaa siunertaalu

Siunnersuutigineqarpoq raajanut akitsuutip naatsorsorneqarnerani aallaavissamik nutaamik
atuutilersitsisoqassasoq, tassa nunanut allanut nioqquteqartup assartuinermi aningaasartuutit
tunisinermi akip naatsorsornerani ilanngussimanngikkaangagit atorneqartussamik.

Siunnersuutip kingunerissavaa nunanut allanut nioqquteqartut, Kalaallit Nunaata nassiussiviu-
sullu akornanni assartuinermi aningaasartuuteqanngitsut akitsuut akiligassartik aallaavissaq
kiilumut 10,70 kr.-inik aallaaveqartoq tunngavigalugu naatsorsortassagaat, nunanullu allanut
nioqquteqartut assartuinermi aningaasartuuteqartut aallaavissaq maannamut atuuttoq kiilumut
11,70 kr.-iusoq aallaavigalugu akitsuummik naatsorsuisassallutik.

Siunnersuutip Inatsisartunit siullermeerneqarnera

Siunnersuut siullermeerinermi tapersersorneqarluarpoq.

Tusarniaanermi akissutit

Siunnersuutip suliarineqarneranut atatillugu tusarniakkanit marlunnit akissutit tiguneqarput. Tusarniaanermi akissutit siunnersuummut nassuiaatini pisariaqarneratut sammineqartut ataatsimiititaliaq isumaqarpoq.

Siunnersuutip aningaasaqarnikkut kingunissai

Siunnersuutip piviusunngortinneqarnerani aningaasatigut kingunerisassat siunnersuummut nalinginnaasumik nassuiaatini nassuiaatigineqarput. Taakkunani allassimavoq allannguneq 3 mio. kr.-it missaannik isertitaqarnerunermik kinguneqartussatut ataatsimut nalilerneqartoq.

Isertitaqarnerussutissat 2012-imut aningaasanut inatsisissatut siunnersuummi ilaanngitsut ataatsimiititaliamit oqaatigineqassaaq, taamaattumillu 2012-imut aningaasanut inatsisissatut siunnersuutip aappassaaneernejarnissanut tamanna pillugu allannguutissatut siunnersuummik Naalakkersuisut saqqummiussissasut naatsorsuutigineqarpoq.

Ataatsimiititaliap inassuteqaatai

Tamanna tunngavigalugu **ataatsimiititaliap isumaqatigiittup** siunnersuut akuersissutigineqassasoq **inassutigaa.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Andreas Uldum, Siulittaasoq

Olga P. Berthelsen

Juliane Henningsen

Aqqaluaq Egede

Siverth K. Heilmann

Jens Immanuelson

Finn Karlsen